

16. november 2023

UKA2023/7

Ilanngussaq K



INATSIARTUT

**Nunalerinermut, Imminut Pilersornermut,
Nukissiutinut Avatangiisinullu Naalakkersuisoq
/Maani**

Ulloq: 15. november 2023

J.nr.: 01.25.01/23EM-LABU-00007

Pingasunngornermi ulloq 15. november 2023, nal. 15.30 ataatsimiittarfik Erling Høeghimi siunersiuinissamut aggeqqusissut.

Inatsisartut suleriaasianni § 19 naapertorlugu siunersiorneqarnissamut Nunalerinermut, Imminut Pilersornermut, Nukissiutinut Avatangiisinullu Naalakkersuisoq Aningaasaqarnermut Akileraartarnermullu Ataatsimiititaliamit matumuuna aggersarneqarpoq.

Aningaasaqarnermut Ataatsimiititaliap oqaaseqaatai apeqqutaalu:

Aningaasaqarnermut Akileraartarnermullu Naalakkersuisup ataatsimiititaliap apeqqutaanut ippassaq 14. november 2023 akissutaasa ataatsimiititaliamit suliarineqarnerannut malitseqartitsissutitut siunersiuinissaq kissaatigineqarpoq.

Ataatsimiititaliap ima apeqquteqarpoq:

”2024-mut tamatumalu kingornanut uuliat akiinut isumaqatigiissutissap killiffia paasissutissiissutigineqassasoq ataatsimiititaliami naggasiullugu kissaatigineqarpoq.”

Aningaasaqarnermut Akileraartarnermullu Naalakkersuisoq ataatsimiititaliamut ima akissuteqarpoq:

”Naminersorlutik Oqartussat aamma KNI A/S ikummatissat imerpalasut pillugit sullissinissamut isumaqatigiissuteqarput. Sullissinissamut isumaqatigiissummut tunngatillugu KNI, Naalakkersuisunit akuerineqaaqqaarluni, ikummatissat akiinik tamatumanilu aningaasanut aarlerinaatinik isumannaarisinnaavoq.

Maanna ikummatissanik imerpalasunik pilersuinermi sullissinissamut isumaqatigiissut atuuttoq 2026-p tungaanut atuuppoq. 2023-lli naalernerata nalaani tamanna 2027-mut sivitsorneqassasoq naatsorsuutaavoq.

Taamaasilluni KNI, Naalakkersuisunit akuerineqarluni, 2023-mi ikummatissat akiinik tamatumanilu aningaasanut aarlerinaatinik 2024-2026-mut, piffissami ikummatissanut imerpalasunut akinik aalaakkaannginnissaq siunertaralugu, isumannaarinissamut piginnaatinneqarpoq.

Atuisut qisuariarsinnaanerat aamma KNI-p isumaqatiginninniarnissamut periarfissai isumannaarniarlugit, uuliamik isumannaarinissamik akit isertuunneqarpoq.”

Apequt 1:

Suliaq pillugu killiffimmik inerneranillu aammalu aningaasanut inatsimmut kingunerisinnaasaanik paasitinneqarnissaq ataatsimiititaliamit kissaatigineqarpoq.

Naalakkersuisumik apersuinermini malitseqartitsissutinik apeqquteqarnissani ataatsimiititaliap naatsorsuutigaa.

Ataatsimiititaliap Naalakkersuisumik siunersiuinerata Naalakkersuisup ataatsimiititaliallu akornanni pingaarnersiulluni tulleriiaarinerit anguniakkallu pillugit naalakkersuinermit tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersiuinerata kinguninngua ukununnga nassiunneqarnissaa qinnutigineqarpoq: saam@ina.gl aamma jovag@ina.ala.gl. Allakkiaq ataatsimiititaliap Naalakkersuisumik siunersiuineranut nassarneqarpat atorneqarpallu taassuma nuutinnera ataatsimiititaliap Naalakkersuisumik siunersiuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Inussiarnersumik inuulluaqqusillunga

Asii Chemnitz Narup
Aningaasaqarnermut Akileraartarnermullu Ataatsimiititaliap siulittaasua